

ՀԱՅՈՑ ԼԵԶՎԻ ԾՐԱԳԻՐ

V—X ԴԱՍԻՐԱՆՆԵՐԻ ՀԱՄԱՐ

Հաստատված է ՀԽՍՀ Լուստեղիկամատի կողմից

ԳԵՏԱԿԱՆ ՀՐԱՑԱՐԱԿԳՈՒԹՅՈՒՆ

ԵՎԵՆՎԱՆ

1936

ՄԱՐԿԵԿՆԵ Է 1961 թ.

Հ Ա Յ Ո Յ Լ Ե Չ Վ Ի Ծ Ր Ա Ք Ի Ր

V—X ԴԱՍԱՐԱՆՆԵՐԻ ՀԱՄԱՐ

Հաստատված է ՀԽՍՀ Լուստադիստանտի կողմից


1488
A $\frac{\pi}{23715}$



ՊԵՏԱԿԱՆ ՀՐԱՏՈՐԻԱԿԱՆ ԳՐԱԳՐԱԿԱՆ

Յ Ե Ր Ե Վ Ա Ն

1958



Բ Ա Ց Ա Տ Ր Ա Կ Ա Ն

Նորհրդային դպրոցի յուրաքանչյուր առարկայի ծրագիր պետք է կազմված լինի հաջորդական սխտեմով, հետևաբար՝ «Մայրենի լեզվի ծրագիրը պետք է ապահովի զիտելիքների իսկապես սխտեմատիկ և ճշտորեն սահմանադրված մի ամփոփ շրջանի յուրացումը...» (Համ Կ (բ) Կ ԿԿ-ի 1932 թ. ոգոստոսի 25-ի վորոշումից): Այդ հիմունքով այս ծրագրում ամեն մի հաջորդ դասարանի կուրսը կառուցված է նախորդ դասարանների ծրագրի հիման վրա՝ կազմելով նրա սխտեմատիկ շարունակությունը: Ուստի՝ վոչ լրիվ և լրիվ միջնակարգ դպրոցի 5-10-րդ դասարանների ծրագիրը կազմվել է հաշվի առնելով ցածր դասարաններում անցած նյութը: 1—4-րդ դասարանների ծրագրի համաձայն 5-րդ դասարանը մտնող յերեխան պետք է զիտենա տարրական քերականություն (պարզ ընդարձակ նախադասություն վերլուծություն, պարզ հոլովում և խոնարհում, ծանոթություն բոլոր խոսքի մասերին, պարզ բառակազմություն), ուղղագրության դիսավոր հիմունքները, պետք է ունենա գրելու և խոսելու համապատասխան ունակությունները և տիրապետի կարգալու տեխնիկային:

5—10-րդ դասարաններում աշակերտը պետք է անցնի հայոց լեզվի սխտեմատիկ քերականությունը, ամբողջ ուղղագրությունը և կատարելապես տիրապետի գրավոր և բանավոր խոսքին: Այդ նկատի առնելով 5—7-րդ դասարանների ծրագիրն ունի քերականություն, գրավոր և բանավոր խոսքի ու գրքով աշխատելու բաժինները:

5-րդ դասարանում քերականությունը պետք է սկսել 3—4-րդ դասարաններում սովորած պարզ ընդարձակ նախադասության կրկնողությունով: Այդ արվում է այն նպատակով, վոր ձևաբանությունն անցնելու համար ոգտագործվի պարզ նախադասու-

թյան շարահյուսությունը, առանց վորի ձևարանությունն անհասկանալի և անմատչելի կլինի: Պետք է հիշել, վոր մեթոդիկայի տեսակետից ձևարանության ուսուցման առանցքը պարզ նախադասության շարահյուսությունն է, վորովհետև ձևարանական կատեգորիաներից հոլովումն ու խոնարհումը հասկանալի չեն միայն նախադասության մեջ, այլ կերպ կատացվի չոր վերացականություն և ֆորմալիզմ:

Հնչյունաբանությունից աշակերտները 1—4-րդ դասարաններում ծանոթացել են միայն ձայնավոր և բաղաձայն հնչյուններին: Այդ քիչ է, անհրաժեշտ է ուսուցանել բաղաձայնների խմբավորումն ըստ արտաբերման տեղի և ըստ վորակի (ըստ աղմուկի և ձայնալարերի մասնակցության չափի), վորովհետև ուղղագրության ուսուցման կապակցությամբ անհրաժեշտ է լինում բացատրել, վոր մի շարք դեպքերում վորոշ հնչյունների ազդեցությամբ, իբրև լեզվական որինաչափություն, այս կամ այն հնչյունը փոխում է իր վորակը (դ<թ, բ<փ, գ<ք, ձ<չ, դ<խ, բ<ո):

Բառակազմության ուսուցումը կատարելիս պիտի հաշվի առնել, վոր 1—4-րդ դասարաններում յերիթաներն ընդհանուր գողափար ունեն հոլովման և խոնարհման մասին, հետևաբար կարող են տարբերել ածանցը թեքական վերջավորությունից: Պետք է բացատրել, վոր բառի հիմնական իմաստ պարունակող մասն արմատն է, իսկ ածանցը՝ մասնիկ, վորն արմատից նոր բառեր է կազմում նոր իմաստով, մինչդեռ հոլովման և խոնարհման վերջավորությունները նոր բառեր չեն կազմում, այլ վորոշում են բառի պաշտոնը նախադասության մեջ: Բառակազմությունը սովորեցնելիս անհրաժեշտ է նախաձայնների և վերջաձայնների աղյուսակներ կազմել, ինքնուրույն կերպով նոր բառեր կազմելու վարժություններ կատարել և այլն: Բառակազմության լավ յուրացումը բազմապատկում է աշակերտի բառապաշարը և մեծապես ոժանդակում է լեզվի ուսուցման մնացած բաժիններին:

Հոլովման և խոնարհման ուսուցումը պետք է կատարել նախադասությունների միջոցով: Հոլովները բացատրելիս պետք է առաջնորդվել նրանց արտահայտած հիմնական իմաստով, վորի լավ յուրացումից հետո՝ յուրացնել առլ նաև հոլովակերտ վերջավորությունները: Այս վերջինների հետ պետք է կապել հոլովումները: Ամեն մի հոլովում առանձին պետք է անցնել և դա-

սարանական ու տնային գրավոր վարժություններով յուրացնել տալ ըստ ամենայնի:

Սոնարհումը և խոնարհման վերաբերվող բոլոր հասկացողությունները (ղերբայ, ժամանակ, յեղանակ, դեմք, թիվ, խոնարհում, սեռ, կերպ, բայերի անկանոն խոնարհում) նույնպես պետք է նախադասութեան միջոցով սովորեցնել: Իբրև որինակ ընտրած նախադասությունները պետք է լինեն կոնկրետ միտք արտահայտող և տվյալ քերականական հասկացողությունը ցայտուն կերպով գրետրող: Որինակ՝ բայերի խոնարհման անցյալ կատարյալ ժամանակը սովորեցնելիս պետք է ընտրած նախադասութեան մեջ գործածվի կանոնավոր բայ (գրել, խոսել, գնալ և այլն) և վոչ յերբեք՝ անանցյալոր կամ անկանոն բայ (փախչել, ուտել և այլն):

Քերականական կանոնը սովորեցնելով չի սպառվում քերականութեան ուսուցումը: Յուրաքանչյուր կանոն սովորեցնելիս ուսուցիչը պետք է բերի որինակներ, գրի գրատախտակին և բացատրելուց հետո առաջարկի աշակերտներին նույն ձևի որինակներ բերել ինքնուրույն կերպով, ապա դասադրքից և վարժությունների գրքից ընտրելով համապատասխան հատվածներ, վարժություններ կատարել տա թե զասարանում և թե տանը: Վորոշ բաժինների ուսուցման համար (որինակ՝ ղերանուն, մակբայ) անհրաժեշտ է նախ որինակները գրել գրատախտակին, աշակերտների մասնակցութեամբ վերլուծել, բացատրել և ապա յեղրակացություն հանելով՝ ձևակերպել կանոնը կամ սահմանումը: Քերականութեան կանոնն անգիր անելը դեռ չի նշանակում քերականութեան գիտնալ, մինչև աշակերտն այդ կանոնը կիրառելով չկարողանա ձանաչել և վերլուծել նախադասություններն ու բառերը տեքստի մեջ, կանոնը չպետք է համարել յուրացված: Հետևաբար քերականական գրավոր և բանավոր վարժությունները պետք է համարել քերականութեան (ուրեմն և լեզվի ուսուցման) ամենակարևոր մոմենտներից մեկը:

Բարդ նախադասութեան ուսուցման համար անհրաժեշտ է ոգտագործել աշակերտների ծանոթությունը պարզ ընդարձակ նախադասութեանը և դրա հիման վրա ծավալել շարահյուսութեան գիտելիքների խորացումը:

Կետադրությունը պետք է բացատրել շարահյուսութեան կապակցութեամբ՝ յուրաքանչյուր կետ հիմնավորելով շարահյուսորեն, առաջնորդվելով վոչ թե ձևական մոմենտով (որինակ,

«վոր-ից առաջ դրվում է ստորակետ»— վոր սխալ է), այլ իմաստային և քերականական սկզբունքով:

7-րդ դասարանում հիմնականում ավարտվում է քերականությունը: 8-րդ, 9-րդ և 10-րդ դասարաններում կատարվում է քերականական գիտելիքների ամփոփում և համակարգում, առանձնապես խորացնելով կետագրութայան ուսուցումը:

Քերականություն առանձին կատեգորիաների ուսուցման համար պետք է նկատի առնել հետևյալ մասնակի դիտողությունները.

1. Ն ա խ ա դ ա ս ու թ յ ու ն ն ու ս ու մ ն ա ս ի ր ե լ ի ս պ ե տ ք է բ ա ց ա ր ե լ ն ր ա հ ե տ ե յ ա լ հ ա տ կ ա ն ի շ ն ե ր ը՝

ա) ն ա խ ա դ ա ս ու թ յ ու ն ն արտահայտում է մի ամփոփ միտք (առանձին ամբողջական միտք).

բ) ն ա խ ա դ ա ս ու թ յ ու ն ը հիմնականում արտահայտում է այն առարկան (անձ կամ իր), վորը գործում կամ լինում է և նրա գործողությունն ու յեղելությունը.

գ) ն ա խ ա դ ա ս ու թ յ ու ն ն ու ն ի յ ե ր կ ու գ լ խ ա վ ո ր անդամներ (յենթակա, ստորոգյալ), վորոնք հիմնականում ձևավորում են միտքը.

դ) ն ա խ ա դ ա ս ու թ յ ու ն ը հանգիստնում է խոսքի քերականորեն ձևավորված միավորը (համաձայնություն, խնդրառություն, շարահասություն):

2. Ն ա խ ա ծ ա ն ց պ ի տ ի հ ա մ ար ե լ վ ո չ մ ի ա յ ն ժ խ տ ա կ ա ն ն ա խ ա ծ ա ն ց ն ե ր ը (ա պ, դ ժ, ա ն, տ), ա յ լ և ար տ, գ ե ր, հ ա կ, հ ա մ, մ ա կ, յ ե ն թ, ն ե ր, տ ր ա մ, վ ե ր և ա յ ն:

3. Բ ա ո ե ր ը ա ծ ա կ ա ն պ ի տ ի հ ա մ ար ե լ վ ո չ ա յ ն ս կ զ ր ու ն ք ո վ, վ ո ր ն ր ա ն ք ա ծ վ ու մ, վ ը ա յ ն բ ե ր վ ու մ գ ո յ ա կ ա ն ն ե ր ի ն, ա յ լ ա ռ ա ջ ն ո ր գ լ ի ղ ո վ բ ա ո ե ր ի արտահայտած իմաստով: Ըստ այսմ՝ ածականներ են այն բառերը, վորոնք իրենց ընդհանուր իմաստով արտահայտում են առարկայի հատկությունը, վերաբերությունը և ինչ նյութից լինելը (վորակական և հարաբերական ածականները):

4. Դ ե ր ա ն ու ն ն է ր են վ ո չ մ ի ա յ ն ա յ ն բ ա ո ե ր ը, վ ո ր ո ն ք վ ո խ ա ր ի ն ու մ են գ ո յ ա կ ա ն ի ն, ա յ լ և ա ծ ա կ ա ն ի ն, թ վ ա կ ա ն ի ն և մ ա կ ր ա յ ի ն:

Փոխարինում ասելով՝ չպիտի հասկանալ, թե յուրաքանչյուր կոնկրետ դեպքում կարելի է ասել, թե վոր գոյականին, ածականին

կամ թվականին են փոխարինում գերանունները, այլ վոր՝ դերանուն նշանակում է կամ առարկա, կամ հատկութուն, կամ գործողության պարագա, կամ թե թիվ, առանց սակայն անմիջականորեն ցույց տալու, թե ինչ առարկա յե, հատկութուն է, թիվ է և այլն:

Պետք է կանգ առնել նաև այն գերանունների հոլովման վրա, վորոնք կամ յեղակի չունեն, կամ հոգնակի չունեն. այդպիսիները նախադասության մեջ պետք է գործածել այլ անդամների հետ և կոնկրետ կիրառությամբ սովորեցնել:

5. Ը զ ձ ա կ ա ն կամ ժխտական գերբայ (այս տերմինը պայմանական է) պիտի համարել պայմանական յեղանակի ժխտական խոնարհման անփոփոխ մասը. որինակ՝ չեմ գրի, չեմ կարգա: Պետք է բացատրել, վոր նախահոկոտեմբերյան զրական լեզվի մեջ և մի քանի բարբառներում ասվում է՝ չեմ գրի, չեմ կարգա, բայց մեր զրական հայերենում վերջին հնչյունն ընկել է և գոյացել և նոր (ըզձական) գերբայ:

6. Պետք է բացատրել, վոր բայի կ եր պ եր կոչվում են բայի այն ձևերը, վորոնք խոնարհիչներին (և և ալ) և բայահիմքի աբանքում ածանց ընդունելով, միևնույն բայի արտահայտած գործողության կամ յեղկության կատարման մեկ ուրիշ կերպն են ցույց տալիս:

7. Մ ա կ բ ա յ պետք է համարել այն բառերը, վորոնք միմիայն և կամ գերազանցապես բայի վրա յեն դրվում, արտահայտում են գործողության վորակը, չափը, ձևը և այլն: Մի շարք մակբայներ հեշտությամբ ստուգաբանվում են, ուստի պետք է բացատրել, վոր զբարար լեզվի մեջ զբանք յեղել են թեքման ձևեր, վորոնք աշխարհարարում գործածվում են վորպես սկզբնական ձև, փոխելով իրենց ձևաբանական կատեգորիան. որինակ՝ գրեթե=գրե — թե, համարյա=համարեան, իհարկե=ի հարկե (բացառական հոլով), հարկավ (գործիական հոլով և այլն):

8. Կ ա պ կոչվում են այն բառերը, վորոնք միացնում են լրացյալը լրացման հետ, մեծ լմասամբ՝ ստորոգյալ հանդիսացող բառը լրացում կազմող բառի հետ: Կապը միանալով կապվող բառի հետ կազմում է լրացում: Կապերն առանձին վերջրած նախադասության անդամ չեն լինում: Պետք է բացատրել, վոր կապերից մի քանիսը նույնպես կազմվել են այլ խոսքի մասերի զբարարյան թեք ձևերից. որինակ՝ շնորհիվ (գործիական հոլով), գեպի=գէպ ի և այլն:

9. Շահակապն երը կապում են նախադասութեան համադոր անդամներն ու համադոր նախադասութեանները միմյանց հետ և յերկրորդական նախադասութեանները գլխավորի հետ: Շահակապն իր արժեքով և նշանակութեամբ հիմնովին տարբերվում է կապերից: Շահակապները նույնպես նախադասութեան անդամ չեն լինում:

10. Մի շարք բառեր նախադասութեան մեջ կատարելով ուրիշ խոսքի մասերի պաշտոն, յերկարատե գործածութեան հետեւանքով վերածվել են այլ խոսքի մասերի. որինակ՝ պարթև (ածական)—Պարթև (գոյական), հասցե (հասցե=բայ), հասցե (գոյական), մութ, խավար, հարվածային, Անուշ և այլն:

8-րդ դասարանից սկսվում է լեզվի տեսութեան և հայոց լեզվի պատմութեան տարրական գիտելիքների ավանդումը:

8-րդ դասարանում լեզվի պատմութեանը պետք է կապել գրականութեան պատմութեան հետ, քանի վոր հենց այդ դասարանում ել սկսվում է հայոց գրականութեան պատմութեանը: Գրականութեան պատմութեան ներածականը տալու ժամանակ պետք է զգալի չափով (շուրջ 4 ժամ) կանգ առնել նաև հայոց լեզվի պատմութեան խնդիրների վրա:

Այսպես, որինակ, յերբ խոսվում է գրարարագիր գրականութեան մասին, պետք է խոսվի գրարար լեզվի մասին: Առանձին նմուշներ պետք է բերել գրարարից և ցույց տալ այն հիմնական տարբերութեանները, վոր ունի գրարարն աշխարհարարի համեմատութեամբ: Տարրական գաղափար տալով հայոց լեզվի ծագման մասին՝ պետք է հիշատակել հայերեն գրերի գյուտը, զիտելով այն վորպես կուլտուր-քաղաքական յերևույթ: Հիշատակել, վոր գրարար լեզվի մեջ կան հնուց մնացած բաղձապիտի փոխառութեաններ, վորոնք արտահայտում են հայ եթնիկական միավորի սոցիալ-տնտեսական և քաղաքական հնազույն կապերը փոխատու ժողովուրդների հետ:

Աշխարհիկ գրականութեան մասին գաղափար տալիս պետք է հիշատակել նաև միջին հայերենը, վորով գրել են միջնադարեան տաղերգուները, և վորքիկ նմուշներով ցույց տալ նրա, գրարարի և ժամանակակից հայերենի տարբերութեանները, բացատրելով, թե ինչպես սոցիալ-պատմական հարաբերութեանների վորոշ ետապը ծնունդ է տվել այդ հայերենին:

Այդ լեզվի մանրամասն ծանոթութեանը պետք չէ, անհրա-

ձեռտ և միայն միջնադարյան տաղերգուների նմուշների ընթերցանության կապակցութեամբ ընդհանուր զազալիար տալ միջին հայերենի և աշխարհիկ դրական լեզվի մասին:

Հայոց նոր գրականութեան շուրջը կարգացած ներածութեան հետ պիտի կապել գրական հայերենների (արևելյան և արևմտյան) հրապարակ զալը, այդ գրական հայերենների հիմնական տարրերը (գրաբար, բարբառներ) և ազա այն քաղաքականութիւնը, վոր վարել և հայ բուրժուական ինտելիգենցիան այդ լեզուն զարգացնելու բնագավառում: Հարկավոր և առանձնապես լուսարանել Միքայել Նալբանդյանի, իբրև հեղափոխական ղեմոկրատիայի ներկայացուցչի, դերը գրական լեզվի կերտման և հաստատման գործում: Պետք և բացատրել այն հիմնական տարրերութիւնը, վոր կա մի կողմից Միքայել Նալբանդյանի և, մյուս կողմից, բուրժուական ինտելիգենցիայի մտեցումների մեջ գրական լեզուն կերտելու հարցում:

9-րդ դասարանում պետք և հիշատակել հայերեն բարբառները և ծանոթութիւն տալ նրանց հիմնական տարրերի մասին: Թվարկելով յերեք ճյուղերի բարբառները, պետք և ցույց տալ բարբառների և գրական լեզվի հիմնական տարրերութիւնները:

10-րդ դասարանում խորհրդային գրականութեան կապակցութեամբ մեր լեզվի մեջ ընդգծել այն նորը, վոր արդյունք և Սոցիալիստական Մեծ Հեղափոխութեան և հանդիսանում և ժամամանակակից գրական լեզվի առանձնատեսութիւնը (հատկապես լեզվի այն կողմերը, վորոնք արտահայտում են նրա նոր, բարձր մշակույթը): Դրա հետ միասին պետք և բացատրել մեր լեզվի մեջ յեղած նոր փոխառութիւնները, համեմատելով այն նախահոկտեմբերյան գրական լեզվի կատարած փոխառութիւնների հետ:

Այստեղ պետք և ցույց տալ, թե ինչպես մեր գրական լեզուն արտահայտում և «ձևով ազգային և բովանդակութեամբ սոցիալիստական» կուլտուրայի ստալինյան թեզը:

Դրանից հետո պիտի բացատրել ընկեր Ստալինի զբուրժուական համաշխարհային միասնական լեզվի ստեղծման մասին:

Դրավոր և բանավոր խոսքի ուսուցումը 5—10-րդ դասարաններում՝ կառուցվում և տարրական զարոցի ծրագրի վրա, իբրև նրա շարունակութիւնը: 5—6 և 7-րդ դասարաններում գրավոր տեսակները տրվում են ըստ հաջորդական զժվարութեան: Չեն հիշատակվում գրավորի այնպիսի տեսակներ, վոր կարելի չէ

տալ տարրական գալրոցում: Յեթե տարրական գալրոցի գրավոր-
ների նպատակն և գերազանցապես ուղղագրութուն, ինչպես և
շարադրելու տարրական ձևեր սովորեցնելը, ապա միջնակարգ և
վոչ լրիվ միջնակարգ գալրոցներում գրավորների տիպերը նպա-
տակ ունեն գերազանցապես շարադրել սովորեցնելը՝ լրացնելով
միաժամանակ ուղղագրական գիտության թերութունները: Ուս-
տի 5, 6 և 7-րդ դասարաններում հերթական կերպով տրվում են
շարադրության դանդաղ տիպերը, սկսած պարզ պլանի ոգնու-
թյամբ շարադրութուն գրելուց մինչև ամբողջական յերկերի գրա-
կան վերլուծութունը: Յերր, սակայն, կնկատվի, վոր տվյալ դա-
սարանը պահանջված մակարդակին չի համապատասխանում, ու-
սուցիչը պետք և ողտագործի նաև 1—4 դասարանների գրավոր-
ների տիպերը: 8-րդ դասարանից սկսած գրավորները և նրանց
տեսակները բղիտում են գրականության պատմության նյութից և
ուսուցումից: 5—7-րդ դասարաններում տրված են նաև քերա-
կանության գրավոր վարժութուններ, վորոնց նյութը պետք և
լինի քերականության այն բաժինը, կանոնը կամ սահմանումը,
վորն ավանդվում և տվյալ որը կամ տվյալ դասին:

5—7-րդ դասարանների հայոց լեզվին տրված ժամերի մոտ
50 տոկոսը պետք և տրամադրել քերականությանը: 5 և 6-րդ
դասարաններում 6-որյակում առնվազն մեկ գրավոր պետք և
տալ, չհաշված քերականական գրավոր վարժութունները և սուու-
գողական թերադրութունը:

7-րդ դասարանում պետք և տալ առնվազն յերկու վեցորյա-
կում մեկ գրավոր:

Ծրագրում քերականութունն ու ուղղագրութունը, գրա-
վոր և բանավոր խոսքը և զրքով աշխատանքը տրված են առան-
ձին բաժիններով, բայց այդ չի նշանակում, վոր ուսուցումը
պետք և կատարել հերթական կերպով, ըստ բաժինների:

Ընդհակառակը, հայոց լեզվի դասը պետք և ընդգրկի գու-
զանեռ աշխատանքներ թե քերականության բաժնից, թե գրավոր
ու բանավոր խոսքի և թե զրքով աշխատելու բաժիններից:

Յերբեմն ևլ քերականության դասը, վոր հագեցած պետք և
լինի գրավոր և բանավոր վարժութուններով, պետք և հերթա-
փոխի գրավոր խոսքի ուսուցմանը, զրքով աշխատանքին:

Թ Բ Ա Գ Ի Բ

V—X ԴԱՍԱՐԱՆՆԵՐԻ ՀԱՄԱՐ

5-ԲԳ ԴԱՍԱՐԱՆ

1. ԳԵՐԱԿԱՆՈՒԹՅՈՒՆ ՅԵՎ ՈՒՂՂԱԳՐՈՒԹՅՈՒՆ

Ա. Ն ա խ ա դ ա ս ու թ յ ու ն

Խոսքը վորպես մտածության արտահայտություն. նախադասություն. նախադասության զլխավոր անդամները՝ յենթակա և ստորոգյալ. նախադասության մյուս անդամները վորպես լրացումներ:

Բ. Հնչյունարանություն

Բառ. վանկ. հնչյուն. տառ. հայերենի այբուբենը. ձայնավորներ և բաղաձայններ, հայերենի բաղաձայն հնչյունների ստորաբաժանումները՝ ա) ըստ արտարերման տեղի և բ) ըստ վորակի՝ ըստ աղմուկի ու ձայնալարերի մասնակցության չափի (ձայնեղ, խուլ և շնչեղ խուլ): Հնչյունափոխություն. տողադարձ:

Գ. Բառադիտություն

Բառերի տեսակներն ըստ կազմության. արմատ և ածանց. պարզ բառեր, ածանցավոր բառեր, հայերենի կարևոր ածանցները, նորաղույն հապավումներ: Հիմք և վերջավորություն: Բառերի տեսակներն ըստ իմաստի և արտաքին հնչյունական կողմի՝ նույնանիշ, հականիշ, համանիշ, համանուն բառեր:

Դ. Ուղղագրություն

Ը ձայնավորի ուղղագրությունը. յա, յու, յո, յե, այ, ոյ, ույ, եյ յերկհնչյունների ուղղագրությունը. յ ձայնակապի ուղղագրությունը: իա և յա, իա, իե, իու, իո յերկձայնավորների

ուղղագրությունը: Բաղաձայնների ուղղագրությունը. ձայնեղները վերածվելը շնչեղ խուլների. Բ և Ղ հնչյունների դերն այդ դեպքում: Ոտար բառերի ուղղագրություն:

Չ Ե Վ Ա Բ Ա Ն Ո Ւ Թ Յ Ո Ւ Ն

Սոսքի մասերը.—Գոյական, ածական, թվական, դերանուն, բայ, մակրայ, կսպ, շաղկապ և ձայնարկություն:

ԳՈՅԱԿԱՆ.—Առարկաներ. գոյականներ. գոյականների գործածությունը նախադասության մեջ. հատուկ և հասարակ գոյականներ. գոյականների հոլովումը և գոյականների առումները անձ և առարկա. ուղղական, սեռական, տրական, հայցական, բացառական, գործիական և ներգոյական հոլովները և նրանց հիմնական ֆունկցիաները. գոյականների թիվը. հոլովումներ. Ի, ՈՒ, ԱՆ, ՅԱՆ, ՈՋ, ՈՐ, ՎԱ, Յ հոլովումները, հարադիր գոյականները հոլովումը. զրարար հոլովածների մնացորդներ. գոյականակերտ ածանցները և նրանց ուղղագրությունը:

ԱԾԱԿԱՆ.—Ածականի տեսակները՝ վորական և հարարերական. համեմատական աստիճաններ. ածականների գործածությունը նախադասության մեջ. ածականի գործածությունը գոյականի հետ. ածականի հոլովումը. ածականի վերածումը գոյականի և ընդհակառակը. ածականակերտ ածանցներ (ային, ական և այլն). ածականների ուղղագրությունը:

ԹՎԱԿԱՆ.—Թվականի տեսակները՝ քանական և դասական. թվականների գործածությունը նախադասության մեջ. դասականների ածանցները. թվականների գործածությունը գոյականի հետ. թվականների հոլովումը. թվականների ուղղագրությունը:

ԴԵՐԱՆՈՒՆ.—Դերանունների տեսակները՝ անձնական, ցուցական, փոխադարձ, հարցական, հարարերական, անորոշ, վորոշյալ, ժխտական կամ բացասական. դերանունների գործածությունը նախադասության մեջ: Դերանունների հոլովումը. անեղական դերանուններ, անհոգնակի դերանուններ. դերանունների ուղղագրությունը:

Հ Բ Ա Ն Ա Վ ՈՐ Յ Ե Վ Գ Ր Ա Վ ՈՐ Ե ՈՍ Ք

Հոդվածի զբաղական գեղարվեստական պարզ վերլուծություն (բանալոր). տեղեկատու գեկուցում (բանալոր). հոդվածի բովանդակության զբալոր շարադրություն. հոդվածն ընդարձակելու և

համառոտելու գրավոր հմտություն. նախորոք մշակված պլանի ոգնությամբ պարզ թեմայի մասին գրավոր շարագրություն (անցած նյութի, նոր ծանոթացած նյութի, կարդացած հոդվածի, կինոյում, թատրոնում և այլուր տեսածի ու լսածի շուրջը, և այլն). ինքնակենսագրություն. պարզ բնութագրություն. քերականական և ուղղագրական գրավոր վարժություններ տանը և դասաբանում. գործնական գրություններ (գլխում, հայտարարություն, և այլն). թելագրություն (բացատրական, ուսուցողական, ստուգողական): Միևնույն նյութը 1-ին, 2-րդ և 3-րդ դեմքերով գրավոր պատմելու հմտություն:

Յ. ԳՐՔՈՎ ԱՇԽԱՏԱՆՔ

Ծանոթություն գրքին՝ անուն, հեղինակ, հրատարակչություն, հրատարակչության վայր, տարեթիվ, տիրաժ, առաջարան, ցանկ, բաժիններ, գլուխ և այլն:

Ծանոթություն գրադարանից գիրք ստանալու կարգին. բացատրական և ուղղագրական բառարաններից ոգտվելու հմտություն. կարդացածի կարևոր և անհրաժեշտ տեղերն առանձնացրնելու հմտություն, թե ամբողջ հատվածի և թե մի արգասի մեջ:

6-րդ Դ Ա Ս Ա Ր Ա Ն

1. ՔԵՐԱԿԱՆՈՒԹՅՈՒՆ ՈՒՂՂԱԳՐՈՒԹՅՈՒՆ, ԿԵՏԱԴՐՈՒԹՅՈՒՆ

Ա. Ձևվարանություն

Բայ.— Բայի ձևերը՝ գերբայական և յեղանակային. գերբայների տեսակները՝ անորոշ, անկատար, ապառնի, վաղակատար, հարակատար, յենթակայական և ըզձական. գրանց իմաստը և գործածությունը, բայի յեղանակային ձևվը. դեմք, թիվ, ժամանակ, յեղանակ: Բայերի գործածությունը նախադասության մեջ:

Մոտարհում. սահմանական, հրամայական, ըզձական, պայմանական կամ յենթադրական և հարկադրական յեղանակները, սահմանական յեղանակի ժամանակները, հրամայական յեղանակը, ըզձական, պայմանական և հարկադրական յեղանակների կադմությունը և ժամանակները, ուղղագրություն:

Բայի ել և ալ խոնարհումը (առաջին և յերկրորդ խոնարհում): Ուղղագրություն:

Բայի ժխտական խոնարհումը և նրա ուղղադրությունը, բայի տեսերը՝ չեղոք և կրավորական. բայի կերպերն ըստ կազմության՝ սոսկական, կրավորական, պատճառական, բազմապատկական. դալ, տալ, լալ, ուտել և լինել անկանոն բայերի խոնարհումը. ենալ, անալ, նել և չել վերջավորություն ունեցող բայերի խոնարհումը. գլխավոր և յերկրորդական (բաղադրյալ) ժամանակներ:

Մակրայ.—Մակրայի տեսակները. մակրայի տարբերությունը անականից. մակրայների կազմությունը և պատմական տեղեկություններ նրանց մասին. մակրայների զործածությունը նախադասություն մեջ:

Կապ.—Կապերի տեսակները, նախադրություն և հետադրություն. դրանց հոլովական խնդրառությունները և զործածությունը. կապական բառեր, պատմական տեղեկություններ կապերի մասին:

Շաղկապ.—Շաղկապների տեսակները. համադասական և ստորադասական:

Ձայնարկություն.—Ձայնարկության առանձնահատկությունները մյուս խոսքի մասերի համեմատությունով:

Խոսքի մասերի փոխադարձ փոխանցումները:

Նախադասություն վերլուծությունն ըստ խոսքի մասերի:

Բ ՇԱՐԱՀՅՈՒՍՈՒԹՅՈՒՆ

Մտածություն, խոսք, նախադասություն. պարզ և բարդ նախադասություն. պարզ նախադասության գլխավոր անդամները՝ յենթակա և ստորոգյալ, նրանց միասնությունն ու համաձայնությունը. համառոտ նախադասություն. ընդարձակ նախադասություն. ղեղձված յենթակայով և ղեղձված ստորոգյալով նախադասություններ. ընդարձակ նախադասության գլխավոր անդամների լրացումները: Յենթակայի լրացումները՝ վերոշիչ, հատկացուցիչ և բացահայտիչ. ստորոգյալի լրացումները՝ խնդիրներ և պարագաներ. ուղիղ և անուղղակի խնդիրներ. տեղի, ժամանակի, չափի ու քանակի, ձևի, պատճառի, հիմունքի և նպատակի պարագաներ: Հոլովների ֆունկցիաները: Սեռական և հայցական հոլովները հայերենում և նրանց առանձնահատկությունները: Լրացման լրացումներ. վերոշիչ, հատկացուցիչ, բացահայտիչ, կողմնակի խնդիրներ և պարագաներ. 2-րդ, 3-րդ, 4-րդ և այլ աստիճանի լրացումներ. նրանց ֆունկցիան նախադասության մեջ: Կապակցություն (համաձայնություն և շարադասություն):

Հարցական, պատմողական, բացականչական և հրամայողական նախադասութիւններ. կետադրութիւն. կոչական բառով նախադասութիւններ. ձայնարկութիւնները զործածութիւնը բացականչական նախադասութիւնների մեջ. կետադրութիւն. միջանկյալ բառերով նախադասութիւններ. հաստատական և ժրխտական նախադասութիւններ. կետադրութիւն:

Ձեղչված անդամներով նախադասութիւններ. անգեմ և անենթակա նախադասութիւններ. բաղմակի կամ համադաս անդամներով նախադասութիւններ. կետադրութիւն:

2. ԲԱՆԱՎՈՐ ՅԵՎ ԳՐԱՎՈՐ ԽՈՍԲ

Բանավոր զեկուցում պլանով կամ կոնսպեկտով. շարադրութիւն մանրամասն գրավոր նախադիծ կազմել նախաբանով և վերջաբանով. զեղարվեստական յերկի գրավոր պարզ վերլուծութիւն. բանավոր և գրավոր պարզ համեմատական բնութագրութիւն. ինքնուրույն շարադրութիւններ (ստեղծագործական և այլն), զործադրելով լեզվի պատկերավորութիւն միջոցները՝ համեմատութիւն, փոխաբերութիւն, մակղիբ, այլաբանութիւն և այլն: Նկարագրական բնույթի ինքնուրույն գրավոր աշխատանքներ. գրել տավորութիւններ՝ կարգացած գրքերից, տեսած կամ լսած յերևույթներից, ճանապարհորդութիւնից, եքսկուրսիայից և այլն: Ստուգողական թելադրութիւն. քերականական գրավոր վարժութիւններ. զործնական գրութիւններ (արձանագրութիւն, տեղեկանք, ստացական):

3. ԳՐՔՈՎ ԱՇԽԱՏԱՆՔ

Կոնսպեկտ կազմելու հմտութիւն. սահմանված թեմայի շուրջը դանադան գրքերից ցիտատներ հավաքելու հմտութիւն:

Կարգացածի տեքստը համառոտել և ընդարձակել:

7-րդ ԴԱՍԱՐԱՆ

1. ԲԵՐԱԿԱՆՈՒԹՅՈՒՆ ՅԵՎ ԿԵՏԱԳՐՈՒԹՅՈՒՆ

Ա. Շ ա ր ա հ յ ու ւ թ յ ու ն

Բարդ նախադասութիւններ, միավորյալ նախադասութիւններ, բաղմակի յենթակայով և բաղմակի ստորոգյալով միավորյալ նախադասութիւններ. կետադրութիւն:

Համադասական նախադասութիւններ. միջանկյալ նախադասութիւններ. կետադրութիւն:

Բարդ ստորագասական նախադասություններ. նրանց կազմությունը. գլխավոր և յերկրորդական նախադասություններ. յերկրորդական նախադասությունները վորպես գլխավոր նախադասության անդամներին՝ փոխարինողներ և լրացնողներ. նախադաս, միջադաս և վերջադաս յերկրորդական նախադասություններ. ստորագասական շաղկապների գործածությունը:

Կետադրությունը բարդ նախադասություններում: Յերկրորդական նախադասությունների տեսակները: Իերբայական լրացումը. կողմնակի յենթակա և կողմնակի լրացումներ: Բարդ նախադասության վերածումը պարզ՝ դերբայական լրացման և կողմնակի յենթակայի միջոցով. դերբայների գործածությունն այս դեպքերում:

Քերականական վերլուծություն ըստ նախադասության տեսակների, ըստ նախադասության անդամների և ըստ խոսքի մասերի:

Բ. Կ ե տ ա դ ր ու թ յ ու ն

Տրոհության, բացահայտության և առողանության նշանները. ստորակետի գործածության բոլոր դեպքերը. միջակետի և բուծի գործածության բոլոր դեպքերը. դիծը և նրա գործածությունը հայերենում, բազմակետի, չակերտի, փակագծի, հարցականի, բացականչական և յերկարացման նշանների գործածությունը հայերենում:

2. ԲԱՆԱԿՈՐ ՅԵՎ ԳՐԱՎՈՐ ԽՈՒՔ

Յելույթներ ունենալիս կարողանալ թե կրճատումներով և թե բարդ մեջբերումներ կատարել. ցիտատները ոգտագործելու ունակության խորացումը. վերլուծական գրավոր շարադրություններ և համառոտագրություն: Գրական տեսակների գրավոր վերլուծությունը: Դասարանում մշակած ամբողջական յերկի գրական-դեղարվեստական գրավոր վերլուծություն: Գյուղի և քաղաքի սոցիալիստական շինարարության զանազան մոմենտների գրավոր վերարտադրությունը (ինքնուրույն աշխատանք): Բնության նկարագրություններ: Ազատ թեմայով շարագրություն: Քերականական և պարզ փոճարանական գրավոր վարժություններ: Ստուգողական թելադրություն:

3. ԳՐՔՈՎ ԱՇԽԱՏԱՆՔ

Կարգացածի կամ գրելիքի շուրջը թեղիսներ և բանաձևեր կազմելու հմտություն (յեզրակացություններ և առաջարկություններ): Բարդ և ընդարձակ պլան կազմելու հմտություն. առձեռն

բառարանից ոգտվելու վարժութիւն. կարգացած գրքերի բերլիոգրաֆիա կազմելու հմտութիւն:

8-րդ ԳԱՍԱՐԱՆ

1. ՔԵՐԱԿԱՆՈՒԹՅՈՒՆ ՅԵՎ ԿԵՏԱԴՐՈՒԹՅՈՒՆ

Հնչյունարանութիւն, բառազիտութիւն և ձևաբանութիւն համակարգումը:

Կետագրութիւն.— Կետագրութիւն նշանակութիւնը գրավոր խոսքի համար:

Առոգանութիւն նշանները և նրանց գործածութիւնը. շեշտ, բացականչական նշան, հարցական նշան:

Բացահայտութիւն նշանները և նրանց գործածութիւնը.— Բազմակետ, կախման կետեր, չափերտ, փակագիծ, անջատման գիծ, միացման գծիկ:

Տրոհութիւն նշանները և նրանց գործածութիւնը.— Վերջակետ, միջակետ, ստորակետ, բութ, գիծ:

2. ԲԱՆԱԿՎՈՐ ՅԵՎ ԳՐԱՎՈՐ ԽՈՍՔ

Ամբողջական գեղարվեստական յերկերի շուրջը գրավոր վերլուծական շարադրութիւններ. տիպերի վերլուծութիւն (գրավոր և բանավոր). գրողների բանավոր և գրավոր բնութագրութիւններ. գեկուցումներ կազմելու և կարգալու պրիոմները (կոնսպեկտով և թեղիտով):

Առաջարկված թեմաների շուրջը շարադրութիւն գրելու հմտութիւն, գործադրելով պարզ հետազոտական բնույթ կրող յեղանակներ. նկարագրութիւններ, ուրվագծեր, ստուգողական թելադրութիւն:

3. ԳՐՔՈՎ ԱՆԵԱՏԱՆՔ

Գրքի մշակման ու ոգտագործման լիակատար գիտութիւն. կոնսպեկտ, տեքստուալ (բնագրային) կոնսպեկտ, պլան (պարզ և բնդարձակ), համառոտութիւն, ցիտատներ (քարտային սիտեմ):

Յերկու և ավելի աղբյուրներից ոգտվելու ունակութիւն, մատենագրական (բերլիոգրաֆիկ) և այլ ուղեցույցներից ոգտվելու հմտութիւն. բառարաններով աշխատելու ունակութիւն:

884
1488
A 23715



9-րդ Դ Ա Ս Ա Ր Ա Ն

ԲԵՐԱԿԱՆՈՒԹՅՈՒՆ, ԿԵՏԱԴՐՈՒԹՅՈՒՆ, ԿՐԱՎՈՐ ՅԵՎ ԲԱՆՍՎՈՐ ԽՈՍՔ

Շարահյուսութեան համակարգումը՝ համառոտ, ընդարձակ պարզ, միավորյալ, բարդ համադասական և բարդ ստորադասական նախադասութիւններ. կետադրութիւն. կանգ առնել առանձնապէս ստորակեան գործածութեան վրա. վեճարանութեան տարրեր. ռեֆերատներ կազմելու վարժութիւն. հեղինակների մասին զբաւոյր շարադրութիւն. զրական-գեղարվեստական յերկերի զբաւոյր և բանավոր համեմատական ընտելագրութիւններ. ստուգողական թելադրութիւններ:

10-րդ Դ Ա Ս Ա Ր Ա Ն

Քերականութեան, ուղղագրութեան և կետադրութեան ամփոփումը: Բանավոր զեկուցումներ և զբաւոյր ռեֆերատներ կազմելու հմտութիւն. գրողների համեմատական ընտելագրութիւններ (զբաւոյր և բանավոր), զրական հոսանքների ընտելագրում և համեմատութիւն. քերականական զբաւոյր վարժութիւններ. քերականական խնդիրների լուծում. ստուգողական թելադրութիւն:

ԼԵԶՎԻ ՏԵՍՈՒԹՅԱՆ ՅԵՎ ՀԱՅՈՑ ԼԵԶՎԻ

ՊԵՏԱՊՈՒԹՅԱՆ ՏԱՐԲԵՐ

8-րդ Դ Ա Ս Ա Ր Ա Ն

«Լեզուն նույնքան հին և, վորքան և զիտակցութիւնը. լեզուն հենց գործնական, ուրիշ մարդկանց համար գոյութիւն ունեցող, ուրեմն ինձ համար ևս գոյութիւն ունեցող իրական զիտակցութիւն և» (Մարքս), «Լեզուն մարդկային հազորդակցման կարևորագոյն միջոց», լեզվի ինչպէս և զիտութեան ծագումը «ուրիշ մարդկանց հետ հազորդակցելու անհրաժեշտութիւնից ու կարիքից» (Լենին): Ճարբեր լեզուների փոխազդեցութիւնները, նմանութիւններն ու տարբերութիւնները: Լեզուն վորպէս զարգացման յենթակա սոցիալ-պատմական յերևույթ: Փոխառյալ բառերը և փոխառութեան սոցիալական պատճառները. հին փոխառութիւններ (յեկեղեցի, կաթողիկոս, բաղին, դժոխք, մարգարե), նոր փոխառութիւններ (տրակտոր, կոլեկտիվ, ռադիո, կոմբայն, արտել և այլն):

Գրաբար լեզուն և միջին հայերենը վորպէս ֆեոդալական

հասարակութեան տարրերը շրջանների գրական լեզուներ: Միջին հայերենով գրված յերկերն ու նրանց տեսակները:

Հայ բուրժուական հասարակութեան կազմակերպման շրջանը. աշխարհարարը փոքրիկ գրական լեզվի և բարբառների միասնութուն: Աշխարհարարի և գրարարի պայքարը 19-րդ դարի կեսերին. գրական աշխարհարարը, գրական հայերենի հաստատման հիմնական պատճառները: Նալբանդյանի և Նազարյանի լեզվագիտական բժշկությունները: Աշխարհարար գրականին նախորդող շրջանները. «Հյուսիսափայլ»-ի գերը նոր գրական լեզուն որինակահանցնելու և կերտելու ասպարեզում: Հայոց գեղարվեստական գրականութեան գերը գրական հայերենի զարգացման և տարածման գործում:

Նախահոկտեմբերյան գրական հայերենի ուղղագրութեանը նրա բնույթը:

9-րդ Գ Ա Ս Ա Ր Ա Ն

Հայերենի բարբառների հիմնական բաժանումը ԿԸ, ՈՒՄ, և ԵԼ (ԵՍ) ճյուղերի. հայերենի բարբառների պարզ թվարկումն ու զազափար նրանց մասին:

Գրական լեզվի և բարբառների փոխնարարելությունը. հայ գրական լեզվի արևելյան և արևմտյան ճյուղերի տարբերությունները:

10-րդ Գ Ա Ս Ա Ր Ա Ն

Հոկտեմբերյան Սոցիալիստական Մեծ Հեղափոխություն և Հայաստանի խորհրդայնացումը:

Հայերենի ուղղագրութեան ռեֆորմը և նրա բնույթը:

Ձևով ազգային, բովանդակությամբ սոցիալիստական կուլտուրայի զարգացման ստալինյան գրույթը: Հայոց լեզվի զարգացման նոր եռապլը Հայաստանի խորհրդայնացումից հետո:

ա) Նոր բառերի ստեղծում.

բ) Բառակազմության նոր ձևերի ստեղծում.

գ) Բառերի իմաստի փոփոխություն.

դ) Բուրժուա-կղերական աշխարհայացք արտահայտող բառերի մահացում.

յե) Լեզվի գեմոլորատացում և մասսայականացում:

Ընկեր Ստալինը համաշխարհային միասնական լեզվի հարցի մասին:



ԲՈՎԱՆԴԱԿՈՒԹՅՈՒՆ

Բացահանում	3
Մագիր	11

ԲԾՈԸ

Պատ. խմբագիր՝ Գ. Սեակ
 Տեխ. խմբագիր՝ Ի. Վարդանյան
 Սրբագրե՛ջ՝ Ս. Շահրազյան

Գլավխաի լիազոր. Ա. 3077 Հրատ. № 4557.
 Պատվեր 281. Տիրամ. 5000.
 Թուղթ 62×94. Տպագր. 1 1/4 մամ.
 Մեկ մամուլում 38400 նիշ.
 Հանձնված է արտադրության 17 մարտի 1938 թ.
 Ստորագրված է տպագրության համար 31 մարտի 1938 թ.
 Գինը 30 կոպ.

Պետհրատի 1 տպարան, Յերևան, Լենինի փող. 65.

ԳԱԱ Հիմնարար Գիտ. Գրադ.




FL0003254

226

ԳԻՆԸ ՅՈ ԿՈՊ.

064.



ПРОГРАММА
АРМЯНСКОГО ЯЗЫКА
для V—X классов
Гиз Арм. ССР, Ереван, 1969

1940

1940